



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hymni Ecclesiastici Novo Cultu Adornati

Clairé, Martin

Parisiis, 1676

Ad Lavdes.

urn:nbn:de:hbz:466:1-12077

ECCLESIASTICI. 133
Communisque simul sit tibi, Spiritus,
Laus & gloria cœlitus. Amen.

AD LAUDES.

DUM latiori lumine
Nos respicit Fiacrius,
Grato patronum carmine
Omnes canant alacrius.

Latens, fuit spectabilis,
Dignum Deo spectaculum:
Crebris potens miraculis,
Magnum fuit miraculum.

Hæc nempe Sancti gloria,
Sprevisse mundi gloriam;
Insignis hæc victoria,
Quæ dat sui victoriam.

Hinc vita felix extitit,
Mortis piæ primordium;
Et mors vicissim præstitit
Vitæ beatæ præmium.

Quin & sepulcro conditus
Vivit superstes funeri;
Nam curat ægros cœlitus
Menti medens & corpori.

Deo Patri sit gloria,
Nato, simul cum Spiritu,

Qui militantum prælia
Fausto coronant exitu. Amen.

DE SANCTA ROSALIA
VIRGINE.

*Cujus cultum in Ecclesiam univerfam
induxit piissimus Pontifex Urba-
nus VIII. eidemque festos dies in
Martyrologio Romano duos attribuit;
unum obitus 4. Septemb. alterum
Inventionis, 15. Julii. Hymnum.*

TE, fons perennis lumen,
Quo sacra florent lilia,
Te, CHRISTE, sponse Virginum,
Laudamus in Rosalia.

Hæc ad parentum gloriam
Regum decoram sanguine
Jungit Rosæ fragrantiam,
Omen ferens in nomine.

Paterna linquit prædia,
Opes caducas exuit;
Superna libans gaudia,
Cælestè pectus induit.